



Nalunaarusiaq aallaavigalugu Naalakkersuisut Inatsisartullu ikiorneqarsinnaajunnaarnertik pissutigalugu toquinnarusullutik kissaateqartunut ikiuineq qanoq isumaqarfigineraat, oqallisissiatut siunnersuut: ” Toquinnarusuttunik ikiuineq inuiaqatigiittut qanoq isumaqarfigineripput aamma inuunermik navianartorsiortitsisumik nappaateqartunut tungiuinissamut suliniutit pillugit inerisaanissamut periarfissanik misissueqqissaarnermut suleqatigiissitap nassuiaataa”.

(Inatsisartuni ilaasortaq Jens-Frederik Nielsen, Demokraatit)

Oqaaseqaat

Naleqqamiit Inatsisartuni ilaasortaq Jens-Frederik Nielsen, Demokraatit qutsaviginiarparput oqallisissiaanut.

Naleqqamiit Jens Napaattooq siunnersuutaa nunatsinni piartortut najungaqarfissaannik siunnersuutaanut atatillugu, naaperiaassutaasimasoq akuerisimavarput.

Naaperiaassutaasimasoq tassaasimagaluarpoq inuunermik navianartorsiortitsisumik nappaateqartunut tungiuinissamik suliniut pitsanngorsaavigineqarnissaa. Suliniulli timitalersornissaa utaqqineqarluni.

Tamannarluinnarlu aamma suleqatigiissitap suliaani ersareqaaq.

Kiffaangissuseq nunatsinni pigisarput annertusartuarnissaa, killiliussat naammagittaarfigiinnarnagit ineriartornerput Inuiaqatigiittut Naleqqamiit anguniangaraarput. Taamatullu oqareerluta, aamma eqqumaffigaarput oqallisissiap imarisaa imaannaangitsuusoq. Nunat arlallit misilittagaqarfigisaat misissuataarlugit, malunnarpoq akissut eqqortoq ataasiinnaangitsuusoq.

Kiffaangissusermi inummi eqqartorneqartillugu, eqqaamaneqassagami inuk alla peqquneqassagami toquinnarusuttumut ikiuisussaatinneqarnissaa. Nakorsat peqqissaasullu inummik innarliinatik suliniuteqarnerannut akerliusumik peqqusineq, nunani allani oqallinerup takutippaa imaannaangitsuusoq.